



## Universitätsbibliothek Paderborn

### **Qvæstiones Morales Selectiores De Lege Interna Et Externa**

discussæ, ac Resolutæ, & in duos Libros divisæ, In quibus, propositis casibus, prima quædam principia, ad plurimas alias Quæstiones similes resolvendas perutilia, subinde examinantur

[De Lege Interna]

**Beati, Gabriele**

**Augustæ Vindelicorum, 1729**

**VD18 90108957**

33 An quilibet error circa causam, sive objectum materiale operationis,  
eam vitiet.

**urn:nbn:de:hbz:466:1-39908**

triginta. Totus autem valor donationis, desumitur ex voluntate Donatoris.

13 Secundò; Quamuis venditio fuerit valida, teneri tamen Emptorem ad restituendum Titio pretium, quod deerat ad pretium ibi iustum. Tum quia quoad illum defectum, Venditio fuit

Titio omnino intuoluntaria, cum Titius intentionem habuerit Adamantes vendendi pretio ibi iusto. Tum quia iustitia vnumquemque obligat ad res emendas, pretio iusto; sicut obligat Venditorem ad eas, eodem pretio vendendas, & non supra illud.

### Q V A E S T I O XXXIII.

*An quilibet error circa Causam, siue obiectum materiale operationis, eam vitiet.*

#### C A S V S.

I **T**ITIUS, putans, Lauretum, centum milliaribus, Romà distare & Templum quoddam Virgini Sacrum, decem; Vtramque peregrinationem, ad eiusdem peregrinationis labores sustinendos, voulit. Post Votum autem emissum, comperit, Lauretum distare milliaribus centum, & decem; Templum verò, viginti. Quæritur, Vtrum Votum istud fuerit validum.

#### S V M M A R I V M.

- 3 Error circa materiam operationis, cur illam vitiare videatur.
- 4 Inconueniens inde consequens.
- 5 Materia Voti, aliquando coincidit cum ejus causa finali.
- 6 Error circa Votū materiam, aliquando leuis, aliquando notabilis.
- 7 Error leuis, Votum non irritat.
- 8 Notabilis irritat.
- 9 Error circa accessorium, non irritat Votum circa principale.
- 10 Error circa circumstantiam materialem, illam non semper reddit inuoluntariam.

II Votum irritum circa principale, est etiam irritum circa accessorium.

11 Quandonam, in Emptione, causa finalis, coincidat cum materia.

#### RATIONES DVBITANDI.

**N**ON est hic Quæstio de qualitatibus obiecto materiali operationis, accidentalibus, sed de substantialibus; Itineris enim longitudo, vel breuitas, ad eius substantiam pertinere videntur. Quare quæritur hic; an quilibet error circa qualitates materiae intrinsecas, ad operationem irritandam sufficiat.

A a 2

Ratio

**3** Ratio autem dubitandi est; Quia ex uno capite, error circa substantiam, siue circa essentialia alicuius dispositio-nis, illam vitiat, cum eam reddat in-voluntariam, & nihil magis sit contra-rium voluntati, quam error. *L. si per errorem. ff. de iurisd. omn. Iud.* Sed Titius, dum putabat, Lauretum Romā distare solum milliaribus centum; errauit circa Voti materiam; Verè enim distabat milliaribus centum, ac decem; & Templum Beatae Virginis, quod ipse putabat distare decem, verè distabat viginti. Ergo Votum, ex hoc errore factum fuit inuoluntarium, ac nullum.

**4** Ex alio verò capite; si quilibet error, etiam circa substantialia alicuius dispositio-nis, sufficeret ad illam vitiandam; se-queretur, nunquam, aut ferè nunquam esse validas dispositio-nes, quæ commu-niter fiunt, & quæ communiter tanquam validæ admittuntur; Semper enim, aut ferè semper, interuenit aliquis error, vel circa materiam, vel circa finem, Nam, dum quis peregrinationem aliquam vouet, nunquam, aut ferè nun-quam, itineris longitudinem, & conse-quenter peregrinationis laborem, ita ex-actè vouet, vt in aliquâ itineris parte non erret, putans; *V. G. Iter*, esse mil-liariorum decem, cum sit, vel solum nouem, vel vndecim. Si ergo quilibet error, sufficit ad dispositio-nem inuali-dandam, nunquam aut ferè nunquam, Vota, ac dispositio-nes, quæ commu-niter fiunt, erunt validæ. Quod tameu est contra communem sensum, ac praxim.

#### N O T A B I L I A.

**5** *A* Duertendum est primò, Causam vouendi, aliquando; cum Voti,

aut dispositio-nis materia, non coincidere, sed illi esse omnino extrinsecam; Vt, cum quis, ad Filij sanitatem obti-nendam, vouet iejunium; Tunc enim Filij sanitas, est omnino distincta à ie-junio, quod est Voti materia; Aliquando verò cum ipsa Voti materia coincidere, ita ut sit, vel ipsa res promissa, vel eius pars; Vt, cum quis vouet peregrinationem, ad eius labores sustinendos; Tunc enim, labor, non distingui-tur ab ipsa peregrinatione, qua est Voti materia. Quando causa vouendi, cum Voti materia non coincidit; Tunc error circa causam finalē, irritat Votum, & error circa causam impulsuam non irritat, vt dictum est. Quando verò co-incidit; Tunc, si error sit circa partem modicam, Votum obligat; quia error circa illam, non est propriè error, qui consensu ad valorem necessariò aduer-setur, cum sit in re modica; At verò, si error sit circa partem notabilem, Vo-tum non obligat, quia error circa illam tollit consensum, qui ad valorem est ne-cessarius.

Aduertendum est secundò: Vt co-gnoscamus, num qualitas, circa quam est error, magni sit, aut patui momen-ti, ita at ex errore circa illam, Votum, aut dispositio-nis irritetur, vel non irritetur, Spectandam esse rem illam, non ab-solutè, & secundum se, sed respectu to-tius materiae Voti, aut dispositio-nis. Id enim, quod respectu vnius dispositio-nis, erit modicum, respectu alterius erit magnum, ac notabile. Nam decem mil-liaria, quæ respectu centum, censemur quid modicum, respectu viginti, non cen-

censentur modicum, sed notabile. His positis,

## RESOLUTIO I.

**7** **A**D Casum Respondeatur primò; Votum peregrinationis ad Virginem Lauretanam, fuisse validum. Quia error circa itineris longitudinem, fuit modicus, ideoque insufficiens ad illud vietandum; In moralibus enim, parum pro nihilo reputatur.

## RESOLVTIO II.

**8** **R**espondetur secundò; Votum peregrinationis ad aliud Beatae Virginis Templum, fuisse inualidum; Quia error circa itineris longitudinem, notabilis; Decem enim, quamvis comparata ad centum, sint quid modicum; comparata tamen ad viginti, sunt aliquid magnum, ac notabile; ideoque error circa illa, fuit sufficiens ad Votum irritandum. Atque ita tenent *Suar. tom. 2. de relig. tr. de Voto. lib. 1. c. 11. num. 8. Sanch. lib. 10. matr. d. 9. n. 13. & lib. 4. sum. c. 2. n. 11. Sotus lib. 7. qu. 1. art. 2. Arag. 2. 2. quest. 88. ar. 1. Rodr. p. 2. sum. c. 92. num. 4. Aluarez. 1. 2. d. 157. num. 6. & alii plures.*

## COROLLARIA.

**9** **C**olligitur ex dictis primò; Quando error, non est circa materiam per Votum principaliter promissam, sed solum circa aliquid illi accessorium, tunc Votum obligare solum ad principale, non verò ad accessoriū; Si quis enim voleat peregrinationem Lauretanam pedestrem, non advertens, vel putans, illam circumstantiam, non esse valde dif-

ficilem; tenebitur quidem ire Lauretum, sed non pedibus; Quia Votum, censetur voluntarium solum circa rem principaliter promissam, quo ad illam verò circumstantiam, inuoluntarium, *Sanch. lib. 4. sum. c. 2. num. 15.*

Secundò; Cum quis voleat, ire Laurentum, putans distare centum milliariis, cum distet centum, & decem; Quamvis Votum quo ad illum excessum videatur inuoluntarium, ideoque ad illum non obligare; verè tamen, etiam illum excessum esse virtualiter voluntarium; Quia circumstantia illa levis decem milliariorum, circa quam fuit error, est inseparabilis à materia principaliter promissa. Ergo eo ipso, quod est volitum principale censetur etiam virtualiter volita circumstantia; ideoque voleens, ad illam tenetur. Cum verò circumstantia, à rei promissae substancialiter est inseparabilis; vt accedit in circumstantia itineris pedestris; Tunc error circa illam, eam reddit inuoluntarium; ideoque Voleens, ad illam non tenetur, sed solum ad principale.

Tertiò; Quando Votum, est irritum propter errorem notabilem, circa rem principaliter promissam; esse etiam irritum circa accessorium, quamvis haec fuerit cognita. Si quis enim peregrinationem Lauretanam obire voleat, sacco induitus; putans distare solum quadraginta milliariis, cum distet plus quam centum; non solum non tenetur ad illa quadraginta millaria, in quibus non errauit, sed neque ad saccum induendum. Quia virtusque accessoriū tantum, & non principaliter, per Votum, promisit. Principali autem destructo,

Aa 3

cor-



corruit etiam accessorium ; Cum hoc eius naturam sequatur, *reg. accessorium: de reg. iuris in 6.*

**¶ 2** Quartò ; Cum quis ad gemmam emendam mouetur à virtute aliqua, quam in illa putat esse, ad certum morbum sanandum ; Tunc causam finalem cum emptio- nis materia coincidere ; Virtus enim, & qualitas illa, quæ ad gemmam emen-

dam mouet, ut causa finalis, eo quod em- ptio ad talem virtutem obtainendam ordi- netur ; pertinet etiam ad emptio- nis mate- riam, cum ex illa, valor gemmæ intrinse- cus, qui est emptio- nis materia, desumatur. Quare, si circa talem virtutem contin- gat error, emptio ex defectu voluntarij erit inualida, quia error, erit circa em- pto- nis substancialia.

### QVAESTIO XXXIV.

*An semper, Ignorantia circa qualitates materiae intrinsecas, operationem reddat inualidam.*

C A S V S.

**T**ITIUS, Ordinis Carthusianorum difficultares ignorans, & præci- pue, quod ibi carnes uunquam comederentur, voulit eius Reli- gionis ingressum. Verum, cum postea de eorum regula certior esset factus, ingredi amplius noluit ; & quæsiuit ; Vtrum Votum, ex tali Ignorantia emissum, fuerit validum,

#### SVMMARIVM.

- 3 In Voto difficultates notabiles ignoratae, illud reddere videntur nullum.
- 6 Aliud est, difficultates ignorare ; aliud, circa illas errare.
- 7 Ignorantia, difficultates ignoratas non excludit, error excludit.
- 8 Votum Religionis, etiam difficultati- bus ignoratis, tenet.
- 9 Ignorantia difficultatum, voluntatem vouendi absolutam non impedit.
- 10 Ad Voti valorem, cognitio confusa rei promissa sufficit.
- 11 Cur cognitio distincta non requiratur.

**¶ 12** Non obstat, quod Ignorantia sit an- tecedens.

**¶ 13** Cur ignorantia vitiorum Rei emenda- tionem irritet.

**¶ 14** Quæ Ignorantia, causet inuolunta- rium.

**¶ 15** Obligationem impediens, si illi superuen- niat, eam tollit.

**¶ 16** Eleemosyna; facta etiam cum Ignoran- tia antecedente, aliquando est valida.

#### RATIONES DVBITANDI.

**Q**uamvis error circa qualitates, obiectioni materiali operationis in- trinsecas, illam reddat inualidam, vt con-